



Kanton Graubünden
Chantun Grischun
Cantone dei Grigioni



ZUKUNFT INKLUSION
AVENIR INCLUSIF
FUTURO INCLUSIVO
FUTUR INCLUSIUN

Dis d'acziun per ils dretgs da las persunas cun impediments 2024

dals 15 da matg fin ils 15 da zercladur 2024

Daventai ina part dals Dis d'acziun

Festivai cun nus il giubileum da 10 onns CRPD (Convenziun da l'ONU davart ils dretgs da las persunas cun impediments) e da 20 onns LImp (Lescha federala davart l'eliminaziun dals dischavantatgs envers persunas cun impediments)!

La CRPD garantescha a las persunas cun impediments ils medems dretgs sco a tut las autras persunas. La Svizra ha sutscrit questa convenziun l'onn 2014. Ils Dis d'acziun per ils dretgs da las persunas cun impediments porschan ina schanza singulara per promover la realisaziun da la CRPD e per stabilir u rinforzar raits duraivlas. Participai er Vus ed As engaschai per l'egualitad dals dretgs.

Finamira

Las Naziuns Unidas (ONU) han scrit la Convenziun davart ils dretgs da las persunas cun impediments (CRPD). Tras questa convenziun duain persunas cun impediments avoir ils medems dretgs sco tut las autras persunas. Er la Svizra ha sutscrit questa convenziun l'onn 2014. Uschia èn la Confederaziun, ils chantuns e las vischnancas obligads da realisar la CRPD.

Precis per il giubileum da 10 onns CRPD e da 20 onns LImp (Lescha federala davart l'eliminaziun dals dischavantatgs envers persunas cun impediments) han lieu en l'entira Svizra ils Dis d'acziun per ils dretgs da las persunas cun impediments. La finamira è quella da manar tras – entaifer ils Dis d'acziun – differentas acziuns per realisar la CRPD sco er da crear raits duraivlas resp. da stabilisar e d'extender las raits existentas.

Caracteristicas da qualidad da las acziuns

Per che las acziuns gidian a realisar la CRPD, ston vegnir ademplidas trais caracteristicas da qualidad:

1. Connex cun la CRPD: Las acziuns han in connex cun la CRPD e furneschan ina contribuziun per realisar la CRPD.
2. Participaziun da las persunas pertutgadas: Las acziuns na ston betg mo vegnir fatgas per, mabain cunzunt er cun persunas cun impediments. Ellas vegnan integradas en la planisaziun, en la realisaziun ed en l'evaluaziun da las acziuns.
3. Segirar l'access per tuttas e tuts: Las acziuns vegnan planisadas da maniera, ch'ellas èn accessiblas per persunas cun impediments gist uschia sco per persunas senza impediments. Latiers tutgan per exempel:



Schweizerische Eidgenossenschaft
Confédération suisse
Confederazione Svizzera
Confederaziun svizra

Eidgenössisches Büro für die Gleichstellung von Menschen mit Behinderungen EBGB
Bureau fédéral de l'égalité pour les personnes handicapées BFEH
Ufficio federale per le pari opportunità delle persone con disabilità UFPD

S O D K – Konferenz der kantonalen
Sozialdirektorinnen und Sozialdirektoren
C D A S – Conférence des directrices et directeurs
cantonaux des affaires sociales
C D O S – Conferenza delle direttrici e dei direttori
cantionali delle opere sociali





Kanton Graubünden
Chantun Grischun
Cantone dei Grigioni



**ZUKUNFT INKLUSION
AVENIR INCLUSIF
FUTURO INCLUSIVO
FUTUR INCLUSIUN**

- Access senza barrieras: local accessibel en sutga cun rodas, ascensur, indriz d'udida
- Access al cuntegn: audiodescriziun, translaziun en lingua da segns, lingua simpla, formats inclusiv, assistenza
- Infurmaziuns davart l'access a las acziuns sin las reclamas
- Ulteriuras infurmaziuns: manual davart l'organisaziun d'in event senza obstachels; mussavia «Ein hindernisfreier Kulturbesuch»

Plivalur

- Tras la cooperaziun daventan ins ina part d'ina rait. La realisaziun da la CRPD gartegia meglier, sche las sfidas vegnan prendidas per mauns cuminaivlamain.
- La plattform digitala cuminaivla augmenta l'attenziun mediala e politica.
- A chaschun da noss inscuters da barat effectuain nus in transfer da savida tranter ils partenadis da las acziuns sco er tranter persunas cun e senza impediments.
- Vus survegnis sustegn da l'Uffizi dal servetsch social chantunal dal Grischun, partizun integraziun da persunas cun impediments, che serva sco post da consultaziun.
- La contribuziun sco partenaria u partenari d'acziun.
- Vus avais la responsabladad per planisar, finanzia, realisar ed evaluar l'atgna acziun.
- Vus observais tut las trais caracteristicas da qualitat: connex cun la CRPD, participaziun, access per tuttas e tuts.
- Vus faschais reclama per l'atgna acziun cun il logo e cun il motto «Futur inclusiun».

Sustegn tras l'Uffizi dal servetsch social chantunal dal Grischun

- Organisaziun d'occurrenzas d'infurmaziun e da barat sco er d'ina plattform digitala cun in chalender d'occurrenzas per far reclama per las acziuns.
- Vus survegnis il logo e material da reclama.
- Vus survegnis cussegliaziun ed accompagnament per sviluppar las acziuns.
- Sensibilisaziun da las medias ed intimaziun da rapportar.

Cussegliaziun e sustegn

Ans annunziai Voss interess. L'Uffizi dal servetsch social dal Grischun è responsabel per la coordinaziun dals Dis d'acziun. Nus As cussegliaim gugent ed intermediain contacts.

Uffizi dal servetsch social, partizun Integraziun da persunas cun impediments,
aktionstage@soa.gr.ch.



Schweizerische Eidgenossenschaft
Confédération suisse
Confederazione Svizzera
Confederaziun svizra

Eidgenössisches Büro für die Gleichstellung von Menschen mit Behinderungen EBGB
Bureau fédéral de l'égalité pour les personnes handicapées BFEH
Ufficio federale per le pari opportunità delle persone con disabilità UFPD

S O D K – Konferenz der kantonalen
Sozialdirektorinnen und Sozialdirektoren
C D A S – Conférence des directrices et directeurs
cantonaux des affaires sociales
C D O S – Conferenza delle direttrici e dei direttori
cantionali delle opere sociali